

南宋文范

第一函
第八冊



南宋文範卷四目錄

樂府

田家謠

洪芻

古鏡行

汪藻

桃源行

汪藻

西風行

李綱

桃源行

李綱

雷雨行

陳與義

江南春

陳與義

寒食行

張嶠

靖康迎駕行

鄧肅

古劍歌

呂本中

清江行

劉子翬

巫山高

王銍

清江曲

蘇庠

後清江曲

蘇庠

成生山水畫歌

徐俯

惜別行送林梅卿大龜赴闕

黃公度

輸粟行

周紫芝

寒食曲

周紫芝

秣陵行

周紫芝

遠遊篇

朱子

采蓮曲

蕭德藻

臘月村田樂府十首

范成大

冬春行

燈市行

祭竈詞

口數粥行

爆竹行

燒火盆行

照田蠶行

分歲詞

賣癡歌

打灰堆詞

巫山高

姑惡

入峽歌

跋尤延之左司所藏光堯御書歌

石首縣雨中繫船戲作短歌

瞿塘歌

風雨中望峽口諸山奇甚戲作短歌

九月一日夜讀詩稟有感走筆作歌

范成大

范成大

楊萬里

楊萬里

陸游

陸游

陸游

陸游

大雪歌

山南行

成都行

古別離

斷碑歎

豐年行

鴻門宴

夷門歌送修德還闕

趙振文在城北廂兩月無日不遊馬勝作歌美之請知振文

者同賦

白苧歌

靈璧石歌爲方巖王郎中作

寄衣曲

促促詞

陸游

陸游

陸游

陸游

陸游

陸游

劉翰

陳傅良

葉適

戴復古

戴復古

戴復古

許志仁

徐照

從軍樂

謫仙歌

箜篌引

義獸行

琵琶引

堰上行上
周憲

古懊惱歌

劍歌行

和南塘食荔歎

運糧行

春夜曲

太行道

正氣歌

峨眉老人別子歌

劉過

陳亮

姜夔

趙汝燧

杜範

吳泳

嚴羽

嚴羽

劉克莊

劉克莊

姚鏞

岳珂

文天祥

謝翱

鳥棲曲擬張司業

瓊花引

花卿冢行

鴻門讌

燕歌行

樂府二首

冬青花

冬青行二首

蠶婦辭

古樂府

謝翱

謝翱

謝翱

謝翱

汪元量

吳龍翰

林景熙

唐鈺

陳普

程垣

南宋文範卷四

長洲顧少卿先生鑒定

秀水莊仲方編

樂府歌行

田家謠

洪芻

鳩婦勃磈農荷鋤身披襤褸頭茅蒲雨不破塊田坼圖稊稗青青
嘉穀枯大婦碓舂頭鬢疏小婦拾穗行餉姑四時作苦無袴襦門
前叫嗔官索租

古鏡行

汪藻

我有辟邪鏡得之咸陽宮其陰爲天池一母將九龍旁書負圖字
土蝕如旋蟲緘以駁雜珍妙極倕之工請言照遠近十里秋毫空
豈不鑒脂澤所貴肝膽通問誰爲此器太古非人功客聞重歎息
意欲窺靈蹤高臺不辭倚恐客難稱容繩窮匣半啟四室來悲風
日車當晝留羞澀如頑銅森然髮上指凜若臨霜鋒我還撫客手
此豈世寶同揮淚兩無言掩鏡鞶囊中

桃源行

汪藻

祖龍門外神傳璧方士猶言仙可得東行欲與羨門親咫尺蓬萊
滄海隔那知平地有青春只屬尋常避世人關中日月空萬古花
下山川長一身中原別後無消息聞說胡塵因感昔誰教晉鼎判
東西卻愧秦城限南北人間萬事逾可憐此地當時亦偶然何事
區區漢天子種桃辛苦望長年

西風行

李綱

西風隕高梧秋暑退殘熱豈不欣微涼寤歎驚急節歲華聿云暮
露氣繁霜結干戈隨凝陰虜騎壯勝鐵邊防久凋殘河洛據戎羯
中原無長城何以限逸越傳聞今年春關輔已蹀血強兵健馬區
乘間肆陵蔑況茲柔脆鄉豈復勞齧江漢非不深天險爲人設
要害無重兵一葦自可絕恬然不爲備廟算豈有說翠華果何從
大計宜早決緬懷沙漠寒矯首望漢月杳無鳴雁來甯不野鼠掘
何時金鳳輦復返蒼龍闕羣生有安堵國恥稍一雪努力肉食謀

旁觀已心折

桃源行

李綱

桃源之事世傳以爲神仙非也以淵明之記者特秦人避世者子孫相傳自成一區遂與世絕耳今閩中深山窮谷人跡所不到者往往有民居田園水竹雞犬之音相聞禮俗敦古雖斑白未嘗識官府者此與桃源何異感其事作詩以見其志
武陵溪水流潺湲漁舟鼓枻迷泝沿谿窮路盡恍何處桃花爛熳蒸川原花間邑屋自連接雲外雞犬聲相喧衣裳不同俎豆古見客驚怪爭來前殺雞爲黍持勸客借問世上今何年自從秦亂避徭役子孫居此因蟬聯不知漢祖以劒起況復魏晉稱戈鋌慙慙留客不肯住落花流水空依然淵明作記真好事詩人粉飾言神仙我觀閩境多如此峻溪絕嶺難攀援其間往往有居者自當水竹饒田園耄倪不復識官府豈憚黠吏催租錢養生送死良自得終歲飽食仍安眠何須更論神仙事只此便是桃花源

雷雨行

陳與義

憶昨炎正中不融元帥仗鉞臨山東萬方磬磬叫上帝黃居已照
睢陽宮嗚呼吾君天所立豈料四載猶服戎禹巡會稽不到海未
省駕船觀民風定知諫諍有張猛不可危急無高其自古美惡周
必復犬羊汝莫窮妖凶吉語四奏元氣通德音夜發春改容雷雨
一日遍天下父老感泣霑其胸臣少憂國今成翁欲起荷戟傷疲
癯小遊太乙未移次大樹將軍莫振功劉琨祖逖未足雄晏球一
戰腥臊空諸君努力光竹素天子可使塵常蒙君不見夷門山頭
虎復龍向來佳氣元葱葱

江南春

陳與義

雨後江上綠客悲隨眼新桃花十里影搖蕩一江春朝風逆船波
浪惡暮風送船無處泊江南雖好不如歸老薺遶牆人得肥

寒食行

張嶠

寒食祠墳由來已久亂離之後每經此節孝子仁人孺慕感傷

可勝言耶因作寒食行以敘其痛苦之意云

寒食由來古今重四海人人作邱壠兩京道上松柏多盡是王公
大家塚伊昔年年當此時鈿車寶馬相追隨紛紛錦樹滿原野暖
風遲日爭光輝草間燒紙野間哭羅列杯盤烏攫肉侵晨發罷薄
暮歸旋風翦翦吹餘灰爾時馬醫夏畦鬼亦受子孫追養禮豐薄
由來稱有無咸具盤餐致醪醴家家邱墳各爲主何人壠上無新
土自從遭亂去鄉關幾歲松楸不曾覩況復其間多發掘孝子慈
孫淚如雨流落他州遇火前去年如此復今年新阡舊壠祇回首
無復原頭挂紙錢君不見東都之傍永安道車轍平來生碧草四
時祠祭今寂然五陵春樹生蒼煙

靖康迎駕行

鄧 肅

女眞作意厭人肝揮鞭直視無長安南渡黃河如履地東有太行
不能山帝城周遭八十里二十萬兵氣裂眦旌旗城上亂雲煙腰
間寶劒凝秋水雪花一日政濛濛阜旗登城吹黑風我師舉頭不

敢視脫兔放豚一埽空夜氣火光迷鳳闕征鼓砰轟地欲裂斯民
警警將焉之相顧無言惟泣血僕射何公叩龍墀圍閉相臣臣噬
臍奇兵化作乞和使誓捐一死生羣黎遊談似霽胡帥怒九鼎如
山疑弗顧郊南期稅上皇輿截破黃流徑歸去陛下仁孝有虞均
忍令胡騎聳吾親不龜太史自鞭馬一出喚回社稷春虜人慕得
猶貪利千乘載金未滿意釵鈿那爲六宮留大索民居幾卷地六
龍再爲蒼生出身磨虎牙恬不恤重城突兀萬胡奴杳隔鑾輿今
十日南門赤子曰駢闐爭掬香膏自頂然忿氣爲雲淚爲雨漫漫
白晝無青天太王事狄空金帛坐使卜年踰八百天聽端在民心
耳蒼蒼誰云九萬隔會看春風擁赭黃萬民歌呼喜欲狂天宇無
塵瞻北極旄頭落地化頑石

古劍歌

呂本中

寒江九月雷殷空落日倒射千山紅江頭樹木半傾倒袞袞不盡
洪濤風風中有物如長戟電光忽來傾霹靂雨罷晴開不復知乃

是潛蛟倚長石蒼皮半卷頗飛動
澀蘚中開欲跳躑青熒野火下
絕水天矯長煙轉空壁天生神物
有時出歲月飄流爲誰得銅花
欲盡秋水渾尙有千年妖血痕
向來天地亦兒戲俄頃變怪徒
紛紜君不見豐城之來亦不久
寶氣何爲上牛斗

清江行

劉子翬

漁翁一棹老清波稚子學語能漁歌
日暮沙頭寒熱竹雨餘船角
亂堆蓑鬢殘小鮮仍自鱸湖海
茫茫醉鄉內夜闌酒渴漱寒流
月照蘆花上篷背

巫山高

王銍

十二危峯隱寒霧旁連三巴下
三楚斷崖青黃聳天壁秀色蒼茫
接天路鼓瑟玉琴嬉帝旁下鎮
九淵稱帝女冥心可見類相求
夢裏襄王契神遇鏘然玉佩似
可期條爾霓旌去無所天風浩
蕩吹太清萬里憑虛送飛步行
雲行雨終不來歲月人間幾朝
暮那知一戲疑萬古至今不知
高唐處仙兮神兮非與是流傳
只有蘭臺

賦山藏虎兕爭怒號峽東江水翻波濤舟楫寄命輕鴻毛猶起羨
慕成譏嘲行人所見日卑淺仰首彌覺巫山高

清江曲

蘇庠

屬玉雙飛水滿塘菰蒲深處浴鴛鴦白蘋滿櫂歸來晚秋著蘆花
兩岸霜扁舟繫岸依林樾蕭蕭兩鬢吹華髮萬事不理醉復醒長
占煙波弄明月

茗溪漁隱叢話

後清江曲

蘇庠

層波渺渺山蒼蒼輕霜隕木蓮葉黃呼兒極浦下笳簫社甕欲熟
浮蛆香輕帆淅瀝鳴秋雨日暮沈流自相語一笛秋風萬事休白
鳥翩翩落煙渚

茗溪漁隱叢話

成生山水畫歌

徐俯

畫水不畫濕畫山不畫堅盈尺之紙數寸管便有江湖萬里天成
生貌古心亦古造化爲工筆端取立冬起雷夏造冰翻手爲雲覆
手雨嶺外荒山與野水自昔不聞傳畫史只畫瀟湘與洞庭於今

卻在兵戈裏翠峯碧嶂鬱然來病眠愁心次第開人家浦溆扁舟
渡何日真能到一迴聲畫集

惜別行送林梅卿

大鼐

赴闕

黃公度

刺桐城邊桐葉飛刺桐城外行人稀客來別我有所適問客此去
何當歸林卿妙齡才秀發胸中萬卷涵溟渤家聲合沓蓋九州里
第嶙峋表雙闕竭來試吏天南方驥繫烏能騁所長梅仙脫身東
市卒杜老把筆中書堂傳道淮壖減豺虎政須禮樂事明主之子
軒軒霄漢姿好向春風刷毛羽

輸粟行

周紫芝

天寒邨落家家忙飯牛穫稻催滌場燎薪炊黍呼婦子夜半舂粟
輸官倉大兒擔囊小負橐埽廩傾困不須惡縣胥里正不到門了
得官租舉家樂去年有米不願餘今年白米要如珠路旁老人拍
手笑盡道官兵嫌米粗良農養兵與敵競敵騎不來自亡命因家
終歲貢耕糜十農養得一兵肥一兵倡亂十兵隨千家一炬無子

遺莫養兵養兵殺人不知

寒食曲

周紫芝

三月江南好春色買酒家家作寒食男呼女喚俱出遊扶老醉歸
歡樂極街頭盡日無人行多在山邨少在城踏歌賽願一時了上
冢歸來聞笑聲豈料如今一百五晝載滿城催戰鼓子孫半作泉
下人薄酒不澆山上土死者已往生者存隨分歡娛各兒女烹魚
裹菜當盤飧花作紅妝烏歌舞君不見江南江北多戰場去年白
骨無人藏

秣陵行

周紫芝

秣陵城門夜不開城頭撾鼓鳴春雷緋衣擎火燎民屋萬井一炬
飛紅埃道旁橫尸人不識血流但見秦淮赤府中官吏一百人盡
取姓名書罪籍元戎被執不得歸賊坐黃堂縱呵叱明朝傳檄下
九州九州牧伯不敢收可笑官軍橐羽箭環視走卒撿城樓將軍
樓船下巫峽膽落雙旌俱捲甲日梟五十三頭顱一戰何曾短兵